





KOTAVUSA VIRDA

KOTAVAFI VIRDA VESTASA VA TAMAVA IS ARAYEEM MU AYIKEEM

Kotava, tela tamefa golerava
Va ina kosmac !!

Alubeaksat ke 2025
31^e otuk



YVES SWOLFS



DURANGO

❖ VAKOL FENTUGALON XONUKER ❖

Durango

1. Vakol fentugalon xonuker

Francavafa xantofa wimbura.

Durango, Les Chiens meurent en hiver (1981)

Sutesik is zovdasik : Yves Swolfs

Ksevasik : **Stephan Swolfs**

Piskusik : **Éditions Les Archers / Soleil**

Kalkotavaks :

Durango, Vakol fentugalon xonuker

Kalkotavara : **Damien Etcheverry (2025)**

Sanegara bad 2 otuk ke virda. Taneaf lik koe bat
31^e otuk, azu toleaf koe ban 32^e otuk.


soleil





WYOMING, TOLEAKSAT KE 1896



DURANGO








« WHITE VALLEY,
3-e KE TANEAKSAT
1896... »

ROTIR BA KAZAWARA
VA BATA TWA ARTI
JONTIKA TANDA ZO
GEVATAL... MOEKOTE
ME FOLIL DA JINAFI
TRAKULA ICDE RIN
AL BETAWER...
VA RINAFI VANYERA
WAN KAWAZDÉ... »



«... JONTIKEDJE AL EBGÁ
DA VA RIN MO KELDANYA GIN
PLEKUTÚ... RE VA RIN POMADÁ !
BATLIZEF KORIK GOLDE MILEBIK
XONUKEK... BATVIELE ME LOON
KALÍ VOXE VOSE... DA DI PIL...
MU KIMTIKEEM KE BATA
PATECTA IS JIN... ABDIDA
UGAL MEA TITIR... VA RINAFI
DRO DODETEV... YONTAN
KE BATA KIMTAFI WIDAVA
VA UMA ERBA DIGID !... »




DURANGO







DURANGO






DURANGO
























UX, GRUPEL, EDE INA KURANIR,
PUNE VA INAF ROKA IKA 100
DOLLAR TALOLK DJUPROLUSTÉ.
ERBATAZDÁ VOXEN ME TIV
BLIKUNAF, XEIM !













BAK 451-e ILANA, XUN SANEIK VA RHEIN
BOST REMLAKID AZE KO GALLIA BERUMKAD.



MELD KE CATALAUNI TAWAVO

MALI ARTFIRA KE SWAVA-
KESKA, LUTECIA RADEYER.


...WETI SAN-ALUBOYA DECEMDA, LANA CENERA KE MARNE MELD...

AZEN BA 7-e KE BALEMEAKSAT, KOE METZ...

STAKEC, VA KULACA ELAKEC ISE VA ARAK
KALVILAC !! BATA WIDAVA TICKITIR TULA !



NIOS : YVES DUVAL
ZOVDACS : WILLIAM VANCE



VOLPESTORIK, TOKLIZ DJUPOKOTCEC ?



KO ORLEANS.
APLEC KE ATTLA
VANLAKIR...

MEKANE ARTLANITIC ! AIKYE
VA EWALA GOTUZEGODAD ISEN
AIKYA LANID ENIDE DO
JIN DI BLIKED !!



GENEVIEVE
OVER !

ENWE. VA TUMTIKYA TEREKTAT !!

WORI BA 2-e KE ALUBEAKSAT, ORLEANS ZO KONARIR.



ACUM AIGNAN TUJRADIK ROJUS VA WIDAVA...



KELT !
RALAKU KE LORIK !

LAKIL AZE PU AETIUS JADIWIK
KALIL DA ANTAFI POKOLERA
TIR INAFI GRELETA !!



VA BATA WIDAVA GOKONARIT KIREN INA
VA ANTAFI ZA VAMOO LOIRE BOST DIRGAR.



KLE, OKILYE, KAS VA
MIGEXA RUZADET ?

VA GEJIK GOMEWETAT ! PERSA
KE MONEFO AALXO VA FENKUSA
TSELKA PU MIN DAFUTUD.



KADIMION GIJAROTIF DRIMOT ZO INKED
NUMAZE VA TUVELEEM KE ORLEANS TOZ DENDAD.



WILUON ! URIFEY
FU XAAR !

KAN BATYON
TRINK DELON
FONSAC !!



TAKRELUKA KE IRUBASIKEEM KE ORLEANS VA YONA DILFURA AL ILPLATIR.



KAXE, ARTI 40 DEBLAMES VIEL...

KOTLIZE MINAFA MIGEXA ZO TUWIDLACKAR.

ISEN ERVOLIA KE AETIUS
JADIWIK MEN ZO ROWIR...



EDE INS DUNTUT, PUNE
ROTIR ATTILA VA WID
CO DI UMBER KIRE VA
LOIRE BOST DJUPRO-
REMLAKIR ?

MANA POKOLERA TIR
OVISKACA ! KALI
TENA WAN ACAGIT !!



WORI NEKEV TCACKERA KE AIGNAN TUJRADIK...

VA BAT TUVEL FENKUL !!
MU VOLNIK FU DUNTUT.



VOXEN MILVIELE GEUON...

GRELERA KE LORIK KAL MIN
ARTLAKIR !

TO AETIUS DO INTYONA
GALLIAROMAFI JOPA
TIR...



MO OKOL IS KELDA VAN AZEKA KE CHAMPAGNE
GOLA ! BANLIZE VA OKOLERVOLIA ROVOKETET
ISE KAKEVDATAT !



VA ALIUCA MU RIN OLUAF JADIWIK !

VA NARTIK ILDEBLAMES SUMUON
AL KOZWI...



ONKATASON VA SIN, VA
AVPLEKURA KE MINYON
WALZEYEN PELIK ISU
VANGLUYANIK GOKETÉ.



KRAFOLMA KE ROMA



ALANI SANEIK ISU WESTGOTEN ISU FRANKEN
ISU BURGUNDEN EXONEYES KOE GALLIA VA ADRAFA
KATANARA KEV OLGALICUSIK AL VANTRAKUYUD.

BUDAF MEROWIG, TIL
SAGAF GU KAKEVETCA !

KEV BATA AWALKOLAFI IYELA,
VA INTYONO PO GOZOKEVET.

ARTI ABIC VIEL, THEODERIK GAZIK
IS WESGOTEN GEJIK IS GUNDIOC
IS BURGUNDEN GEJIK POKE MIN TITID...



LANSELON TITI PEREAKSAT,
ABDUEF SAYAKIK KE BATA
CUNKAFI ERVOLIA...



VA VOLNIK VUKIYIS WALE TROYES IS CHALONS-EN-CHAMPAGNE
KOE DATAFA AZEKA YOLTKIRAFI GU CATALAUNI TAWAVO
KOSMAYAD.



KLE PULVIL, DIEPILESIK !! VA TOKCOBA
ABDITARA KALID ? KAS GIJAF GEJOPIK VA JIN
MOE TAWAVO JINON NARANO ROVELIKETER ?




VA KOEPAK SU RUPÉ, OKILYE,
NUME RORUYÉ DA LAN VOLNAF
OKILIK ELDEON ZO AYTATAR.




ELDEON, SU KALIL ? ACUM VA MELD LEVROTITIS
VA KOTAFI GALLIA MU INT TO ELDEON WATÁ !




AZEN DIREVIELON BA GAZDA, KOE AZEKA KE CHAMPAGNE GOLA, TOLOYA PELKAFI
ELEGA MO KELDA MALLAKID...



ALANI TRUSIK TIS DONAF TCEKASIK VA XUN OKOLERVOLIA
LAOON KODOALIED...



RONEON, WESTGOTEN GEJIK ISU BURGUNDEN KAN DUGAP VA NUGERVOLIA KE ATILA DILFUD.



KAXE, THEODERIK GAZIK...

THORISMUND NAZBEYE, VA OL TO GOTENUKEL !



KAL JIN, BUDAF GEJIK ! VA XONU-KERA KE GAZIK GADIK JAXADAT !!



TCICENON GAN FRANKEN GEJIK, JOPATUM KE AETIUS TALTON KOASKIR.



AZEN ARTI PISONASA DOALIERA VAS SAN-BALEMOTY BARTIV...

TO SURTERA TIR ! TA RENZARA VA TEYAK AMPUC !!

GUE, OKILYE...



SIN VA JIN BLIS ME GRALOMETED ! EDE BATLIZ CO ARTLAKITID, PUNE DEM JWA KO TEYKA IPETÉ !



VOXEN KAIKAYAPA SUGARA KE BATA ZUGAFA LYUMARA VA CENESIK LIDAM CENENIK AL PUSKER.



ISEN LAPTES ARAK KADIME EDAVEEM VA INT AL TUZEGODAR...

AJE ! INA TCAZON ZO URLICKEYER, VOXE TO CENERAPA TIR !


KASTAYANON IS TSALAYANON, APLEC VA RHEIN BOST DIMLAKIYIR. ATILA ARTI TOLDA AWALKEYER...



KAN BAT TANEAF MARNE MELD, AETIUS JADIWIK VA GALLIA GU ANA SKAYAPA TOLGENIRA AL GIWAYAR.



TENA



DARWIN

Le Monde


atoer va

ZOLONAF KOROBİK KE IZVA TON WIMBRA

CLOT | BONO

DARWIN

1-eaf DOV



Darwin

Francavafa xantofa wimbira.

Darwin (2020, 2 dov)

Sutesik is nios : **Christian Clot**

Zovdasik : **Fabio Bono**

Ksevasik : **Dimitri Fogolin**

Piskusik : **Glénat / Fayard**

Kalkotavaks :

Darwin

Kalkotavara : **Pierre Van Moorgen** (2025)

Sanegara bad 6 otuk ke virda.

Toza koe bat 31^e otuk, wana
koe 32^e otuk

Glénat | fayard





EX CHARLES, AMLITAPAL.
KAS SINKA VA RIN ME
CO KATICKIYIR ?

OX, VOLGUE EN, HENSLOW
WELTIKYA. BATU ESTU
TIYIR SUTKAFU, DUM
KOTVIELE. GU GANERA
VA SIELESTURA GREWAPÁ.



MINAFE NIKYE ROTIR
KENIBENSEYER ? MBI KALIYÍ
DA LAN VAYASIK BA 4-e BARTIV
GAZDON GAN NOMASIK DANKAS
VALEVE DILK KE KENIBEXO ZO
DIVMODAD. KAS VA MANCOBA
GRUPEL ?



OX CHARLES,
KAS CO ZO
DIVMODAYAL ?
ZO EROLAPÁ.

GUE... JIN...
ADIM...



VA INT KARAVALDAL !!
VA RAMSAY BATGAZDON
GAMDAYÁ ISEN INAFA
SIVA TIYIR ROTAFÁ
LOON DAM RINAFÁ.

BATCOBA
KARAVALDAR.



JOHN PU JIN KALIYIR DA VA CIN DONEL ?
TOKDUME KO SHREWSBURY WILUON
FU MALLAKIL ? RADIMI DIVEF PULUGAL
KE JOHN, VA RIN GIWIYIV.



IN VA BARDA BATLIZE
IXAM DRASUYUR NUME
VA TANOY LOF VIEL
MEA ASKIR,
HARRIET ABEGIKYA !

RABATÉ DA RAMSAY
VICKIYIR EKE VA JINAFÁ
ODIAXACA KE ZAZDA
PU RIN AL BILDER,
TAVESIKYE...



TIR ADOMTASIK DENE
JESUS COLLEGE KOTLAKI,
CWADE. PULVIRA TIR
INAFÁ TOLEAFA GILTIRA.
NEKEN ZO EVODAYÁ.

BENJE, HENSLOW TAVESIK, GRUPECKEL VA
COBA DJUSUGDALÁ. TIYIL WRANGLER* AZ
SEMEKIİK VA KOTLAFÁ ROVAVA BA 26-da.
JIN TÍ 22-daf VOXIS OXAM DOBKIRAF,
MEJEBESON IS MESKEUSON
VA CULTIMAFÁ VAYARA.

PIL, CHARLES,
DIVLANIT !!

* KOE KOTLA KE CAMBRIDGE, WRANGLER KORIK TIR KONTAN SEOTAYAS
VA LOKIEWAFA DANEXA ARTI BAREAF ILANACEK KE SOLOKSEROPA.



KALIL CHARLES !!
KAS GU « KORIK GOZAS
DO HENSLOW » DUN
ZO IKAYOLTAL ?

AX AX AX ! TAVESIKYE
VA OBLAKA KOTLIZE EN DIL !
VA BATA VIELEAFA GOZARA
TON RINAF ADOMTA
MBI GRACATÁ !

DERE JIN, CHARLES. DIK VAYASIK VA LIA
SKEURA VA DIZVERA VA TUWAVA NEDID,
TON MIL DULAP VA SOLOKSEROPA.
CO VANPITIL SENIOR WRANGLER
AZE ROTIR, LEON KAPUSON...



CHARLES... VA
BATCOBA MU
RINAF GADIK
ME ASKIL, MEX ?

WETCE GERTIK, VA BATA KIBLARA
GOVANOVÁ, EFE. VOXE SOE VA
BOCAFA PIRDA PU RIN CO ZILÍ,
EDE KONALEL.

BENJE, TAVESIKYE, VA
RINYONA PIRDA DUN
KONALEYÉ. OPELON
POKOLÉ DA INA ME
TITIR BOCAFA !



XUM... TUWAVA TIR SKESA LOON
DAM WODAY. RIETA KE GADIKYE VAN
GERTEBA SOPRON ME TIYIR ROTAFÁ.
DIVEON DJUKATIGÍ ISE GILANÍ,
VA BEZA ABDINARÍ. TAWADAY
VA BATCOBA PU JIN FIRVITIR.



TORE, VOLGUE. INE KIVAYAR DA
DI KLIWUYÚ, DA VA TCABANERA IK TCI
ANTON DI VIUNSUYÚ. VOXEN JINAFÁ
ALKAFÁ MINIA TIR SALAFÁ NUMEN
RE DENACKON DJUWALZILÍ.



JOTAF DERBESIK ! TITIL DONAF
GERTIK, CHARLES. VOXE VA DENFIRA
VA UJA ME IPEL !! VA ANEYARA
ABICEDJE WAN ASKIL !! KAS VA
LAPIRA KO TENERIFE DO RAMSAY
DIREMUVUGALON ME AZEDEVEL ?



OX... VIELU VA HUMBOLDT* AL BELÍ, PUNE VA
BWEWALA CO DJUKOSMÁ, ISEN TENERIFE
EWALA NUTIYIR ROVANSANA, VOXEN RE...

TO DONAFÁ ERAVA TIR ! VA KON
BLIOPAF IK SIDOPAF ABDUMIMAKS
LOPLEKUL NUMEN TITIR KOTUNAFÁ.

CO SONTÉ... VOXEN JINAFÁ
SIDOPAFÁ GRUPERÁ TIR...
TRABE VA MEKA TAVERA
VA BATA UGA TCOKEYÉ !



MANA AKOYERA ! GUZEKAL DA SEDWICK
TAVESIK NIKYE KO WALES GOLA VAYA-
TASON REIDULUGALON LAPITIR.
VA RIN WETCE TCICESIK BALTE NALETIR.
DO IN VA UMCOPA TA FAVLAFÁ DIZVERA
VA TENERIFE RAVETEL...

VA TAVESIKYE
GREWÁ. TOKKANE
LOEKE CO ROGREWÁ ?

JONTIKTAN GRUPED DA
CULTIMAFÁ VAYARA ME TID
KOTAK, CHARLES. PU JIN DI
SUTEL... ISE VA CIN DILE GIN
WITIL, JOTAF FITCAF KLIWIK !



* ALEXANDER VON HUMBOLDT (1769-1859), I GERMANAF
TUWAVOPIK ISU VESTASIK TORIGIN GU GADIK KE TAWAVOPA.



ARTI PEROY AKSAT, THE
MOUNT YASAXE KE
DARWIN KOE SHREWS-
BURY, BA 29/08/1831.

CHARLES !
WISON VA RIN,
TÍ KALAF... OKE
RIWE EFE.



RIWE ? MANA
ATEDAFA
EMUDERA,
CAROLINE...



GOKALÍ DA RIWE
JUPAL DA BERIKYA
VA LANA MORBERA
TAZDAYAR, BERYE.

GUE, IKORYE.
KLE MEVIELE
BETAWETEL !



LANEYER DA ARTI KE KOYARA KALI TENA
KE PEREAKSAT DO SEDWICK TAVESIK CO TIGIYIL.
JIN LANEYÉ DA TORI FENKURA VA TCABANERUGAL
ARTI TOLKA ZDARION DI DIMLAKITIL. NUVE SU WÁ !

EN NUVE,
ERASMUS.



CHARLES, KAS KOTCOBA
TICKIR ? NUTIL
ABIGAPAF. KOYARA
DO SEDWICK
AL DILIZECKER ?

OX, ICDE BATCOBA, GUE,
VAYASAPAPA IS WEMTAPA. TIYÍ
XESTAKIRAF GU SIDOPA VOXEN
TAWOVA TIR LOKIEWAFO RAVEXO.



VOXEN KOOLAKISON
VA BARMOUTH, GIVUYÚ
DA RAMSAY NIK TENI
PEREAKSAT MULUFTEYER.

OX, CHARLES,
EAFATA ! DO TO
IN KO TENERIFE
DJUMALLAPIYIL,
MEX ?



GUE. COBA DILE TID ABIGAPA. IN VA SIDOPA
DJUVAYAYAR NEKE DENE INT MULUFTEYER
SOLVE JIN VOL FOLASKITÍ NEKE REMI
IDLUGAL SIDOPUYÚ, TA LAN ABDUMIMAKS
VOL BOKATAN...

ICLE GADYE ZO KARAVALDATAR.
GRUPÉDA ME TIYIR KALAFE ICDE BAT
AZED VAN TENERIFE. TCE VA FAM
KO KOTCOBA GONANAYAT.



CHARLES WELTIKYE
VA TWA WETI TOLKA
AL KAZAWAR.

OX, LORIK, GUE,
AL VULKUYÚ. INA TIR
BAS HENSLOW TAVESIK
ISE GU KWITUCAPA
ZO TCALAYAR.





Darwin abegye, abdida va arienta ke bata twa rué, va griawira ke minaf Ramsay nik gonikuzet. Voxen va bate kravavesise detce me djukaraké kire pokolé da firvira ke bata twa jupatar da va nigera abiceke vulkutul.

Gu juikera va tuwavopik wetce dositik ke Fitz Roy zo vajgé, i ke redakik fure mallapis ta liwotara va geefa otsa ke Amerika. Batcoba titir koyara remi icle tolda, isen redakik va opelaf dotayesik vols loon dositik, belcon tis donaf tuwavopik is sintaik me djumer.

Pu rin me palse da riwe lovon mu int zoenon dulzeyé. Voxen Harriet va jin mallapis co iskeyer neke slikeke co zo nigesiyir. Batdume al dakté da til tel lokalvekap korik jinon grupen is rolentegis va debala.

Va bata daktera me aski, espuson da cugeke til stinaf tuwavopik vox kagrupeson da til manton dugakiraf ta dotayera is dizvera va kot plek isu ra bagaliafa gu stragara. Isen ede va jontika neva doon naritil, pune ta opa jontikote katectatal numen batcoba titir wemackafa. Pu rin ravalda da lane da tickil datan inon aneyan. Va meka elimaca ke koyara grupé, voxen bata va ...

... Amerika is Tierra de Fuego az dimlapira koo India tursia is jontika ewala ke Geefa Bira kenolapitir. To anamelapira vildeson, i anamelapira ta opa. Acum me klabul, gestal da kon ardialik va rin fu gralomber, batdume mallapil !! Rinaf vadulaf nik,

J. S. Henslow

ANAMELAPIRA VA TAMAVA TA OPA...





MEROFOLINA ! CHARLES VA JALA
BARON SU KELUR. NUME TIR
ROTINES.

LANGTON OVER. CHARLES ME TIL
VETCOYES. KAS MOTC DO RINAFE
GADIKYE VA RIN MANEKE
ABDIKERELER ?

KON MOTC... CHARLES VA INTAFE
GADIKYE CO MOTCAYAR ? NEKEN
ME GRUPENÁ !



CHARLES VA FIRVIRA TA
TOLDABA KOYARA KAN TOTA
SU KAZAWAR VOXEN DARWIN
SELAROPIK AL VEWAR.

ME VEWAYAR, KOSAYYE. OVOPON
DANEDIYIR DA NALERA VA BATA
KOYARA TIR LOROTABA RIETA.
NUME EBGAYA.

NUMEN
GORARA
VA RIN
NUWIVER...



CHARLES
ROMPLEKUPUYUN
KO MONA ARINTON
ARTLAKIYIR. BEXE
TCABANERUGAL
ULEON TOZUWEYER.

TANOY AKSAT KE
MUVUGAL TA
TCABANERA VA
RIETA EN FU BETAR.
ISEN VA MINAFA
WEGONA KE DAREF
CADIM GOKAIKFIT.



KAY !!
SULEM,
DJUPROVIL-
TAT, NIK !!



EX !
MANA
EMUDERA !

ME VILTAC !!
TO JINAFI BERIKYA !



EMMA !
VA TOKCOBA
BATLIZ
ASKIL ?

ANEYATASON VA CHARLES
LAKÍ. KAS DO JIN CO
ABICEDJE DJUKUTCEPAL ?



BENJE...
BATCOBA
EVODAR !

ME VANYEL FITULAF,
LANGTON WELTIKYE. TO
GADIKYE VA IN DJUKU-
WIR. TANEIK ARTLAKIS
VA KELDA, CHARLES ?



EN TIL ZULTAF
OKOLLAKISIK, EMMA.
KENE RIN DJUKATCEPÁ.



GREWÁ, NIKYE.
NEKE AL FOGILDÁ DA
RINAFÁ JUGEMERA
TIR MALLAPIRA
IL JIN.



EMMA, VOLGUE. VOLTO BATCOBA.
JIN... EVARTACA TIYIR RIAFA. TORI
ANTON TOLDA. GRUPECKEL DA...

BENJE CHARLES, VA
RIN NUGÉ. ZO PUIDÁ
DA RINAFÉ GADIKYE
VA MALLAPIRA ME
KORICTAR...



ATEDAFA, MEX ? WETI TOLKA,
VA MECOBA ICDE BATA KOYARA
GRUPEYÉ NUME MEINDE
CO GESTAYÁ. NEKE RE LITÉ
DA VA TAKRA MBI SOLTILTÉ.



PARÁ,
VA VOLTO
BATCOBA
DJUKALIYÍ...

KAY, GRUPÉ, CHARLES.
FU LASUTRASIT KANE
VA RINAFÁ TAKRA
DI RODIMEMPAT.



MEA GAVET !!
GADIKYE
VA MIN KER.



MAER HALL WABA, I YASAXE
KE JOSIAH II SEDGWOOD



VANTRAKUYÚ. VA ANYUSTOY UUM KEV BAT ABDUMIMAKS KEVBENUN GAN DARWIN SELAROPIKYE ARINTON KABDUNEDIYIL. ISEN INE PU RIN KALIYIL DA EDE VA KON FREKIRIK CO TRASIL, PUNE ROTIR CO DI BOYARUR.


EFE, NEKEN FOLÍ DA GAN IKABERYE FREKIRON ZO GITORIGÍ. NUME TRAKÚ DA BATA KOYARA EN CO TIR BELUNDAFA MU RIN, CHARLES.



VOXEN JOS ZIAVYE VA VIELCEK GAN BATCOBA FU MBI NARIL.

TOKCOBA TANOY VIELCEK TIR LARDE VA TOLDA KE BLIRA PU OPA DJUKUZILIL ? VA KIMISKABA RILITUCA GOKELDASKIL, CHARLES. RINAF HENSLAW TAVESIK OVER. BATA KOYARA TICKIR MUKOT MU RIN.







* JOHANN LAVATER (1740-1801) TIYIR SWIZAF ALKOPIK, I PONKIK KE ALTOTAZUKOPA, I KE EVA RIETASA DA KOLMA KE AYIKAF GEXATA VA INAFA ILKUCA NEDIMID. SANEGAYAR :« OPAFA GRUPERA VA AYIK KAN GEXATOPA ».



FITZROY REDAKIK, ABDIYÉ.
FELBEWÉ DA BATLIZE TIGÍ.

CHARLES DARWIN
WELTIKYE. VAN JIN
LACON ZO JUikel,
VOXEN GOKALÍ...

VA ZOVDOM KE RINAFI TOTA AL WÍ. VOXE
WÍ DA VA JONTIKA KOBARA DIOTEYEC.
KAS VA BAT WARZAF REDUKS KE HARRIS
TICE NORISK WICKÍ ?



TO WS HARRIS KEVUGLEBA TIR,
TIRE. VA NALERA VA INA
FLECUYÚ. RAMBARISTULA
VA BAT FREZ ME FOLIR.



OX, FOLÍ DA RAMBARISTULA
ROKLER. TRAKÚ DABAT
REDUKS TIR DIKIAPAF.

BENJE, WELTIKYE !
RAMBARISTULA VA
INTAFA ASKIRA

TAGELTAFI. VOXEN
ICDE BATA TODA... BAIX,
WICKITIT. TOKBATA
BILOXA MOE ETOL TID,
DARWIN WELTIKYE ?



ABICA XA
DON DALON
JINYONA
NEVA.

KIVÁ DA RUNDA
TA LIA UGA
GRACAR.



VOXEN KOTCOBA TIR VREBATA ! SUTEKS KE
HUMBOLDT ISU BLAINVILLE ISU HENSLOW ISU
FLINDERS ISU CUVIER VOXISU ANSON ISU BYRON
TID... RABATENYEL ! ISEN VA SIDOPAFI NEVA KE
LYELL FURE SANEGATAN WAN KÉ. OLEGACKÁ.

BATTODE ZO KARA-
VALDAL !! SINA KOE
JINAF NEVAK IXAM
TIGID, TIRE DO KONAKA
BIBLIA IS WAFRA DEM
DENAFI WAZDERA VA
KRISTEVA GAN PALAY...
VA INA DO INT ME
NUDADIL ?



VA WAFRA... MALI IZVAFI
DENUCA KALI PELAFI
WAZDERA ! VA INA ME AL
VULKÚ, REDAKIK, VOXE
JONTIKEKE VAYAYÁ NUME
RIWE NAMION EN
GRUPERSE.




DARWIN WELTIKYE, EDE CINAFA TOTA VA
RINAFI OPAFA AXOFERA DI ROZANUDAR
ISEN JINAFI PRILARA ME DI NUTIR ARGASA,
BATTODE ZO FELBETE NUME VA AZEGA
DO RIN WALZILITÍ.

BATTODE REDAKIK,
VA WARZAF BURENIK
KOE TOTA DIKIL !

DARWIN







DARWIN WELTIKYE.
LARDE KALI MALLAPIRA
MOE SID SOKEYEL, PUNE
VA RIN PORANON MEN
KEVLANIYÍ. VOXEN
REDAKIK VA RIN SISKER.



ZO EVODAL, MEX ?
FITZROY REDAKIK TICI
DAREFA KOYARA VA SIN
MALBUREYER. BAD
TOLDA, BAT KOTUNAF
GOVITIK AL VANPID
AYIK.



VA ENGLAVA IS
SELTAYAF BASK AL
RAVED ISE VA LORIK
KO INTAFA TAKRA ISU
GLOGA AL ROTEMUED.
BATCOBA KAIKE JINAF
POKOLERA TINYIR.

BENJE, ROBERT. ME TIL
KE JONTIKTAN TRAKUS
DA ZOLKEVAF GOVITIK
VA GLOGA ME DIR, MEX ?

OX, VA WAVLAF Gropa
KE SINAF SUTAF BLIRA
KOE PATAGONIA MIV WITIL !
TUSELTAYARA VA SIN
EN TIR MINAFI GONI.



DERE TÍ
KALAPAF.
VOXEN RIN...
LUXE WIN...



AGELTAF,
WELTIKYE !
RINAF VEDEY
TIR ZULTAF.



BATTODE
TOKDUME
DIMLAPITID ?



TUCE SIN, POMANON GAN
MATTHEWS, GAATASON VA
BANYON KIMTIK, VA ALKAXE KOE
PATAGONIA FU REDUV. BATCOBA
TIR TO JINAF ANA ERAVA.



VA JIN TCONGEL, ROBERT.
BATCOBA VA RIN PORAR.
VOXEN... VAS TOK JIJACEK
VA MINAFI KOYARA
ULIDINEL ?

VAS MON
BALEMDA. ROTIR
ABICOTE LOON.



ENIDE VA JIN DI IXEL, PUNE
VA « NELKOTEEM KE SIDOPA »
KE LYELL DJUFIRVÍ, I VA NEVA
RINON KLOKANA. KORE
HENSLow JUICKER DA
VA CEK GOMEFOLIT.





RAHAN

LÉCUREUX - CHÉRET

RAHAN

OCE KE VOLOKUGAL

**TACEDIK KE
FALTAFA ARNA**



Rahan is tacedik ke
Faltafa arna

Francavafa xantofa wimbra.

Rahan et les fantômes du
Mont-Bleu (2015).

Krentasik : Jean-François
Lécureux

Zovdasik : André Chéret

Ksevasik : Chantal Chéret

Piskusik : Soleil


Kalkotavaks :

Tacedik ke Faltafa arna

Kalkotavara : Damien
Etcheverry (2023)


Zixa 1/6. Toleafa zixa koe 32°
dref otuk.

soleil












**BRAOUMM!!
BRAOUMM!!!**





CH!?!

VVRRAAOOUMMMM

BRRRAAOO

RAHAN
ME ZEKAL !!
KRAO VA
STABA FU
KOBRAVÁ !

STABA KE KRAO TAMON
GU TUWAVA TITE BATA
BRUCKA DUN BLIYIR,
NEKEN...


BATA FALTAFA ARNA TON
KALCOESA AULUCA VA SIN
FU RELMEYER...


RAHAN
ZAVZAYAR
YALESTAF IS
MEROTIS
EDJE ZIDERA
KE TCULK
KABDUE ITEEM
ROIDASIYIR ISE
VINUSTAYAR...

RAHAN ACABES NOPE VUDA
VA STABIKEEM BELKESON XONUKES
LEVE TEY IS AKE- OYES PISTOK WIYIR...
VA MECOBA MU SIN ROTASKIYIR !..

ZIDERA
KE FALTAFA
ARNA !!!










Kotavaxak dem suterot



Louis Hémon

MARIA CHAPDELAINE

Kotava, tela tamefa golerava

Chapdelaine gadikya va yona lanafa xakera katcilon dakter.

— Kalí pu win da kewa ba nakugal me dutur. Koe vema katite uzda, nuve lan milwidik va sint al kojizad. Lorikany me albar va batcoba, en cwe.

Voxen Lorik tere vanyer driaif numen lentaltufa suka barkon dur, pofa is trenafa, askisa va muviskaf sazcek. Dolistesiki abdistapon al zo tucuynad, azen aluboye ayikye ba gazda ke bareaf viel fosad. Légaré is Esdras is Chapdelaine gadikye dolisted ; Da'Bé is Tit'Bé boraboron radimelanid, dem olvezasiki, aze va gaben nak waroldon ezbad. Moni siel, kotote va iriga narid aze ksewayed, ontinon is vingepeson, kir abdiwison va kona sukarura. Voxen kewa wan dur. Alubkon batinde gin kobad, afizcekon talturonon sespason va dolistesiki, kan tsokafa zatcapa nutisa fakafa ke bagalakiraf dolistesik nek entisa tela zatca loeke wavdafa gu ravera is ana olgafa ke kota midusa kobara.

Nefta is valpok div gabeyen nak cugote bimiled ise gu puilera kugdad ; lujafa awaltara va kapray anteyad

isen furoveolk va iteem anteyad ; cu ke ge nope kotedje blaganyera vanlaumar maneke sin ba siel anton kuncakonejeson rodemadagid. Voxen mali nom kali miel kalkobad, drasuson va mek verast, tuliason va kota estura, kalaf gu kewa isu muntaf.

Vieleon baron ok balemon, Maria is Télesphore va muktu dem lava vanbured aze lev gufentatasa gamazuvda palsed ; isen viele idul is kobara is gopa ke nak va sinafa bergotca al turodasirsid, kot sin ta ulira va lava ton laridacekap az gimara mo nubaskeem ik taka silukon lanir.

Bad alubka, kotaf nak zo gaber, azen larde rod wan dur, ba gazda ke teveaf viel va kseway toz fenkud ise tutrovgad enide abdi siel di rovokobaplaxed. Dolistesik va ol al tenuked, numen iriga silukon re flid. Va kseway grivegedud, lev awaltara stoked, aze levi kieltena va turodaweyes nak gire zuvdad, ton ezba vas pwertecke tanon rolevmadane gan tanoye ayikye vwon ic ontinafa lima ixam riwe kotrafa.

Charles-Eugène wale ksid laspedon impar ; lima ko baplaxe zo star aze kev baplaxo zo azavzar, azen iriga va nak olgon nugapen zo kougad ise kan sugara ke nubaskeem is welzeem ton vafa cowega solimpad aze mo kril basvajad.

Tici safta, nak koe baplaxe kotote tigrir, rodaf is dem ukanya, numen kottan altosotcer ise jontikedje kagaelar dumedede va meld co su divvawar.

— Kore muva fure co dur, ~ Chapdelaine gadikye kalir, ~ batcoba me co tijir.

Voxen bat rodcek kare sinafa olegara me al zo nupatavackar kiren suka lenttaltuon wan dur isen awaltanaf afizcek tankomon dun tiskid.

Dene Chapdelaine yasa ayikya va tayakobara me paked. Gadikye is baroye nazbeye, kote pofe is obliffe gu ol, vaon staped, neke va Légaré wan uned ise kubad kiren bane ine mali santanda muon kobar, vielu yasoc tiyid jotapaf, numen va ine re vided batdume giltid ise bandume va zanara ke man kobasikany me djukurebgad. Bak nakugal Maria is gadikya va intaf gubef lag kle anton gonaskid : i va gedira va mona, is va epura va estura, is va xokara va grita isu dimkiewara, is va vrodmmimara va baroya jaftolya, is va viunsura va ciastoa, is va tanon safteon burmera va beg jontikviele gaveon dakina bak miel.



Ba kot siel ke burmera, Télesphore ta dimnarira va yon begbor gitcastayan koe kota alava ke mona ik glesta zo stakser, i bor tcastayan ta vieleafa zanudara va sabera va granja pu okol ik irka pu wilya, volkare tol-sanoya ara wotrafa favera kotvulon gotuna. Viele kot bor tid kabelcayan az tcateyen, zom ixam toz vonewer numen tuliatazon va rubara toloya ayikya va kotar lag govononud.

Télesphore va konaka gama ke aridadjoka dem teyka divdaakesa va wexu, az va yon flagap ke klupa daskisa va miltaf is pof idul, koe teyak al anteyar. Viele cade tir idulackafe, pune Maria va bor kotraf gu zom kotote emar, azen ant tey zo goneninter isen isti burmera runda ke bor zo gobetar.

Cade weti alubda pinarson al zo vegeedur, numen banvielu yasa va warzafe cade kwiton gonikavegedune num ae waroldon co gobokane kotsafton dun pulvir ; voxen kotviele goxe, ba kota koyara jafara va adrafa umava al zo vulkur numen kotviele toloy is dile baroy cadecek ta sinkara va lerdoy art ke yasa remi safta zo gonegad. Maria va « taneaf » cadecek gronon vajuler ; gronon dere, kotviele toleaf cadecek tir egayan isen sielcek ixam abdufir, pune Chapdelaine gadikya sodon gikalir :

— Ko ilava rolanil, Maria, pitcatá va toleafa burmera.

Maria va mecoba dulzer ; grupecker da gadya ware vagekirafa mo ilava boreon fu senyar, tildemeteson voxe ba gazda anton divmodeter. Numen ina va vikizap anton gurunkar, i va vikizap kotsielon daskin koe guazafu semanafu muktu, aze toleon kocader aze mo pikay debanyar, ton itowa koe nubeem, videson va intafa meropuskena keuca remi mielaf bartiveem.

Arte tol-sanoya bora male mona, cade dem kepaitama kum azeb, va orikafa kretsa tadler ; tuvel ke teyak tir budejes num iskes va kerafe afitride ; ebeltaf aalxodom koe miel vanstimir. Maria wan mezekar, grivuteson va tildera is feda, is pestaleson va kunoya modova anameon dustawesa dum talara ke razamuk.

Gelkeon bata kera koe mielcek anton tiyir liugama isen ina keon dun djumeyer da moi burmera di zo ronokomoder ; vielu François Paradis al auzur, pune ina va vieleafa rubarapa puvegur kire va in is int rotrakur teka koncoba va salt ke guzekan kalaceem nonur. Bata kalaca tid opelackafa is measkoapasa. In ba imwugal dimlanitir ; bata dimlanira, is puvegura va wira, is ewa kalitina viele belcon gire tigitid, is doon taneafa renasa zatca, Maria en lasuguzekar inde bata kotcoba co rodilizeter.

Neke sugar. Taneon va inaf varaf yolt fipton unt kalir milinde artan tiyad : François Paradis, ke Saint-Michel-de-Mistassini... François Paradis... Aze laizon koekon : François.

Kle, to batcoba. In ranyes lenteon tigur, ontinaf is pof, ton vola burmeyena gan awalt is tcazera ke nolda, is ton laof iteem. Su dimlaniyir, kalaf kir tolwis va in, is dere kalaf kir lajupabdiplekuyus, is mevogadason is meulison tandon bliyis ton utcorik. Aejadugal men tir larde to imwugal re tir ; voxen sin va kona lazavanya ta belcon gozara ko aala trasid ; in va ina meuzason is mekalison pokelanir, koe gorkedaxo tore besano gu raltadukafa imwa, isen vegungaxo va sinaf ozdeem miv vozessimir ise va takra kurtamar.

Re moe lubeyes aal debanyed isen to in pulvir.

— Kas va jin al wental, Maria ?

To va batcoba ape taneon erutur ; voxen ina va klokara loeke me rotabdufir, kire banlize gan faxuca zo azavzar. Ox ! Lorye ! Maneke va in al wentapar abdida bat gemelt sokir ! Kotaf arak ke idulugal az muvugal az teniskaf fentugal ware fu zo gotiskid ! Maria repaler ; voxen teniskafa keuca ke inafa zaava fure gin tir, numen va int toz trakur, is va sugdalara ke kotbata coba tove int.

Edje koe Saint-Prime jonvieleyer, pune tana kosayikya boreon kuretena va bata kurera konakviele pulviyir. Yikye ke wida is are ke Normandin miledje al facnayad, kot lanis ko mona remi konak aksat ta taneavielafa sielura.

— Va sin toloy karolayá, ~ pu Maria welidayar. ~ Neke dye trakú da va Zotique loeke renayá ; voxen ine ta ezasira moe Saint-Maurice kuksa al mallanir ; ba idulugal sye oxam dimon co di tigiyr ; bam Roméo va jin al kuredar numen muon di dulzeyé. Va ino dere karolacká.

Maria va mecoba al kalir ; voxe al trakur da kurera amidafa gu bata ape tid, isen re laner. Sintafa nuca ke François Paradis mu ina isu ke ina mu in, tulon, tir lancoba tanafa is fawokafa num laninde morotarutena kiren mekane rotenvat inde coba arinde co rodilizeyer, numen batcoba va spupiafa vieleafa blira kotvieli fu biayar ise fu tuidulayar. Kotvielu gojon dun golayar da teca koncoba ape kruldeyer : i koncoba oltavafa gu ilamsiskera ke dankagana mista, is gu grijuca ke awaltanaf is sukanaf afizcekany, is gu tuvalearapa ke kon ervay ok lanafa abdiplekura va kulafa vebaltara.

Koe amlit ke mielcek nardiera vanstir ise laumar ; lentaltufa suka kan fedafa ierapa zijnafa gu gildera va vokliba ke kurba is pailta stibuskasimir ; konakviele vox ililuon bugimo ier. Fent levi vanawalt sumeon ware tigrir, isen dure debanyeson moe pikay is pitcason va kerafe afitride yolkase az griawise az gire afigase tite cade, Maria fogetir kalackafa.

Liter da kontel puon jontikedje al tinter da tamava is bli tid lukoptaca. Skintuca ke vieleafa kobara, nonuna gan mekotrafa is remiafa puvegura ; is kota tanda tankomon tiskisa ; is kakevera va lane yikye oltavackafe gu kotare, nek keon is itupon facnase num tukrenugase ; kurera az abrotcifa wana dem kota tanda riwe milafa gu tela darefa, koe ara mona. « Batinde bli tir, ~ puda al kalir. » Batcoba me tir eaftafa isen kottode va int guon golevplekut ; voxen mancoba sotir azudafa is spupiafa is fentafa dum taya bak muvugal.

Me tir ageltafa, kota batcoba. Maria koe izga ton mejilafa wendesa kicegara takabotcer, ise trakur da batcoba dere me tiyir. Kotviele ina va François Paradis modovar, is va inafa kerdela isu tigira, ise dacoba sin mu sint tid ise titid, pune koncoba iste ina belcon suster ise anteyawer. Kotafa inafa pofa jotuca isu keuca isu opeluca va batcoba su naavdad ; i va bata pokolesa is jugemesa bimilera, is va bata abdipestalera va vanfisa galovafa tuvaleara. Tite cade kerafe afitride yolkar aze tuacawer.

— Beg ape tir burmeyen ! ~ unt kalir.

Voxen me lajugorayar da re godebanyar kire kivar da va kalafa klokara anton tozuwesa fu joar.



VII

Lerdeaksat artfir, isen rod drumbaf bak nakugal dun dur nume vanpir skaya. Sedme Chapdelaine yasa, mekman rodcek ixam al dilizer, numen ba kot viel kona warzafa lazava pebutusa va lorafa boksuca zo tiaver.

Granca is dent tublafotawed abdidida al lajupatrickid ; alokafa awaltara va werd is warzafa tagra al anteyar, numen gazdasielon aeles jaftol ieked, windeson va taka ben istayaxa. Mewalison zo goneninted kiren dace mazdafa zaipa men gabeyena va inafa aelera uduton zoed, isen kotvielon kon bond va yon nuk moempar, lagriaeleteson gu olk.

Tere lanmielon suka laizon bankriler, dumede gan intafa riapafa taniuca su zo pusker, numen ba gazda muva toz dur. Aze remi safta mebelon wan dur, aze viele ten dur solve lentaltufa suka gin dur, pune muvugal re tir.

Muvugal...

Imwugal nutir sure malstiyis. Olk men tid lukraf nek tublafotayan gan rod ; ant nak al zo kobaplaxer ; kotar warolaks va intafa dorora gu sid tuidulayan gan trelarsaf idulugal oxam ten maltioltd, isen ixam muvugal daktes va merotatcen fentugal is fent is fure nolda re tir...

Goates gu muvaf viel, konak kewaf afizcek aftaf is idulaf moni miafiz ware tid, edje rofolit da mecoba al cadimarur : vebaltaks men dolisteyen, is kotabafa zikexa ke kurbaxo is pailtaxo, is ware milyon geblitukalukoptaf ok kramteukageblitukaf nom, i milaf zwaf kelt vamoe orikaf tawaday...

Ant werd toz nediwer, gazdon, batafaf gu elada, azen lowe waroldon taneafa rodafa tapara dud nume va toeem ke vrazmetca anteyad ise tuebeltad.


Azon taneafa oprafa moe ulidinarak terma awir ; jeweyesa ba idul ke kiel, arti konak viel gin dur aze bareon bak mila safta. Elupkafa sukarura va zakodaf muvas afizcek gu tapas gazdacek wan goatesickid ; voxen kotviele lentaltufa suka gin dur, pune adre tir loon fentafa, i vanstis kosayik ke fentugalaf fentod.

Kotlize muvugal tir kexaf, kotraf gu batcera va bata malfisa coba is dratcera ke bana artfisa ; voxen moe canadaf sid, tir loon kexaf dam arlize isu kontes, is nuxaf gu awalkera ke kon ayik memalyon kozilimb va bli nek waverson tagan gan lorik.

Nekev artstis fent is taneafa tapara is dratcera ke nolda, vebaltara vielvielon zo kagaver ise zo obukar, noveteson da sutaf olk va abico po bas tcavoeem ke tawa is zakodafa awaltara wan rovofalur. Neke zo vebaltar kiren saneaksat artfir. Granca is dent leve aftaf is mesizuntas kelt zo gabed aze kobaplaxed edje toeem ke cirdata isu waniba toz tublafotawed.

Warolara va olk tir rotakafa ; voxen nak al tir listaf, inde varafa tanda va daavapa ok temapa me riwer. Neken, koe sielafa prilara Chapdelaine yasikeem va belcon enwarzaf rod ke anyusteaksat is enwarzaf tapareem ke lardeaksat jontikedje daboreter, i va sazaj relmeyes va intafa pokolera. Kev ridoluca ke trelarsaf idulugal is kotara nustaca ke voldriafa lidawicka, sin meinde exud, dace me tid piraf ; nemon va recadim gu lanar galovaf bidgayas va gubeuca swavon dun doluned ; numen batcoba va bata kotabafa arubara kev sinaf kutceem alokon plekur, i va tawadayikafa arubara lavion becafa nek tandeafa, en tandeafa :

— Edeicle retanda al tiyir gubefa tanda !



Maria Chapdelaine, ke Louis Hémon (6^{-eafa} zixa ; wana tigisa koe yon daref otuk)

Maria Chapdelaine : berpot (1914) ke Louis Hémon francaf suterotik
Xanto : Maria Chapdelaine francavon, kalkotavayano gan Staren Fetcey, 2018.
Dotay : Kotavaxak dem Suterot.

Robelin banliz : <https://www.calameo.com/books/007735347a70b2f8fd0f4>



MITOK KUM ROSTELA

330
Kcal-

TADLE

Sotre tanoy korik :

- Vraze : 200 g-
- Lueze : 150 g-
- Sarialeda : 150 g-
- Fedafa vayna vas 20% : 10 cl-
- Likon basvaynayan vrod : 10 cl-
- Biolmafu bianu : 10 g-
- Asont : 15 g-
- Turodayane lueze : 30 g-
- Batakacot ke wila : 120 g-
- Krubeda : 1 aabreforiacek

EGARA

30
wexa

BURMERA

40
wexa

- Va cade vas 180 °c- abdituidulal (DY- vas 7) ;
- Va rostela kan aftafa lava eskelal ise va vraze basalmal ;
- Va sarialeda is vraze is lueze ton gemafa gabiyea gabel ;
- Va turodayane lueze ton kimi gabel ;
- Va biolma koe zomaf azekol moe ludev is kadoma pragal ;
- Va rostelafa bada isu vrazafa adre deraykal inde djumel. Va turodayane lueze wal bada mevulkuson koplekul.
- Va vayna is vrod aotcel aze ko azekol loplekul ;
- Eipal ise culoal ;
- Va droya dum asont ik pumake ik pretcatao meklabuson loplekul ;
- Kocadel aze remi 40 wexa dile ageltason iskel ;
- Levi tena ke burmera va mitok, va wila koe cade ok fovung do krubeda is eip is culo is tanoya gamama ke asont burmel ;
- Va mitok divcadal ;
- Va wilafa abrotcaca ko razeka daykal aze va pak ke mitok zanolul.

Djasta

To kaliaf is dokotaf is keskotaf azekor ! Remi varaf tandacek zo rozaler ede cadimafa rostela zo rebackad. Va muxana redusuca dere katectar.



ZOMAF MITOK KUM ROSTELA IS WILA

363
Kcal-

TADLE

- *Maccheroni* zoma : 40 g-
- Krubeda : 1 fadaforiacek
- Nyorkue : 1
- Kumlane lueze : 130 g-
- Batakacot ke wila : 70 g-
- Kusaxote : 50 g-
- Kuntime : 50 g-
- *Parmigiano* bluda : 5 g-
- Fedafa vayna vas 20% : 10 g-
- Eip
- Culo

Djasta

Fentugalon, va tape-
siyine kusaxote rofavel.
Tapesira va tor sovidecker.

EGARA

10
wexa

BURMERA

20
wexa

- Va zoma koe lembiesa eipkirafa lava burmel. Aze ko colubak gimal.
- Va nyorkue koe krubeda tumoavayal aze va kumlane lueze artion loplekul. Radimi kastara, va bat aotceks gu zoma loplekul.
- Koe fovung va gemapon gabeyena atela loplekul. Aze kurnal. Atela zo gomoavayar voxe biwe zo goburmer.
- Va xote ton drizam gabel, voxis va kuntimeki. Aze va sine is sini gu vayna is zoma loplekul.
- Va eem ko mitokaf azekol deraykal. Gu *parmigiano* bluda goavel.
- Va in kocadel vieli moak al zo tumoavayackayar.

TELIZ

2^e bu : Durango (1/2).
26^e bu : Krafolma ke Roma.
30^e bu : Darwin (1/6).
46^e bu : Rahan, Tacedik ke faltafa arna (1/6).
56^e bu : Maria Chapdelaine,
berpot (6/12).
62^e bu : 2 fomek.
64^e bu : Kuda ke Aisopos.

Kotavusa virda

Virda kotavon sanelayana, nuyon is faston romalvajana is rorubiana is rotanamzilina. Ickriluyun rokeem. PAG / DE.
Internetxo : www.europalingua.eu/KotavusaVirda
Bu : www.europalingua.eu/KotavusaVirda/31-e_otuk_05-2025
Sanegara : Alubeaksat ke 2025. 31^e otuk.

Yunkexa is ewava : ewaveem abugaf gu roka ok nuyon rotamuzen ok rictayan gan digisik.

LIWOMBURA

Tula va olkoy ke lan liwatum watson gu alto.
Konaka gokosmana peryasafa liwomba.
Xantaza : <https://kotava1837481.wordpress.com/2018/08/26/7-familles-en-kotava/>

5

Loma
AROTIEVIK

NUYUCA



Sacco is Vanzetti (1891-1927 / 1888-1927)

Nicola Sacco is Bartolomeo Vanzetti tid amerikaf dodelik ke italiafa xanta.

Bak 1920 toloya feke-sa dodubiera koe gola ke Boston zo skud. Ardial va arotievafa anameda vere buntur. Sacco is Vanzetti zo soped aze zo malyed aze nekev gracasa vrinaracka gu xonuka zo lanzad.

Nekev tevtandon noafa walvedeyafa tawukara ta sinafa tunuyara, ba 22/08/1927 kan tralrova di zo klibud. Oxam bak 1977, arti alubsanda, winugon zo dimrokad.



Gracchus Babeuf - Louise Michel - Louis Lingg -
Nestor Maxno - Sacco is Vanzetti - Buenaventura Durruti

Vakol fineyes va idatcol

Idatcol pu vakol kalir : « Tokdume, larde til kotinde oltavaf gu cin, me gildul, dum berik ? Larde tiv meinde araf, vaxe trak. Cin, nuyon sobliv ; rin, levplekun gu ayik isu levetiraf, va vordava guon sokekel, va flek solevgal, va milkava sokikasul ; isen viele rinaf felilik estur, va kona niska pu rin anton kabur. Voxen va cin folil ; va milkava zurtel azen volant plekutuv enide vol aelesitit. » Vakol va bata dragera malterektar ; azen idatcol, kolanison va namulolsuxe, va vakol taneon laridagabed.

Kuba kazawana gan relmesik va guga sotir mana.

Kuda ke Aisopos, -VI^{eafa} decemda
(kalkotavaks gan Yurani Andergan)

